

Najtraženiji ratni zločinac krio se kao kakva tetka u kući bližeg rođaka

13:55 Mladić na putu za Hag

Ratka Mladića su pripadnici BIA-e sproveli u avion, koji se, tvrde, već nalazi u zraku i na putu za Haag.

13:33 Kuća u kojoj je uhapšen već nekoliko puta pretresana

Prema potvrđenim informacijama iz Srbije, kuća u Zrenjaninu već je nekoliko puta bila pretresana. Mladić je, kaže se, živio siromašno kako ne bi skrenuo pažnju na sebe, kao uostalom, i ostali mještani. U Lazarevu ima puno izbjeglica iz BiH, a većina komšija je u srodstvu s Mladićem.

13:17 Tadić slavodobitno izjavio: "Skinuta ljaga" sa Srbije

"Hapšenjem smo okončali težak period i 'skinuli ljagu' sa Srbije i srpskog naroda. Ova akcija je pokazala da su institucije države Srbije učinile ovu zemlju sigurnom", rekao je Tadić.

13:13 Tadić potvrdio da je Mladić uhapšen

Predsjednik Srbije Boris Tadić potvrdio je hapšenje Ratka Mladića na vanrednoj press-konferenciji.

13:11 Vanredno zasedanje kriznog štaba

U toku je zasjedanje kriznog štaba poslije hapšenja Ratka Mladića. Tužilac Vladimir Vukčević se hitno vraća sa Briona gdje je trebalo da se sastane sa Seržom Bramercem, a koordinator tajnih službi Miodrag Rakić se hitno vraća iz Amerike.

13:10 Evropska komisija: Hapšenje Mladića bilo bi jasan znak da Srbija želi naprijed

Evropska komisija očekuje zvaničnu potvrdu vesti da je uhapšen Ratko Mladić i ocjenjuje da, ukoliko se to potvrdi kao tačno, za Evropsku komisiju znači jasnu potvrdu da Srbija zaista želi da napreduje na svom evropskom putu, saopšteno je u Briselu.

"Ukoliko je čovek koji je uhapšen zaista Ratko Mladić, to znaci da je Srbija shvatila važnost pune saradnje sa Haškim tribunalom i pomirenja (u regionu) i da je odlučila da želi da napreduje na svom evropskom putu", rekla je predstavnic za štampu evropskog komesara za proširenje Štefana Fielu Natsasa Batler na konferenciji za novinare.

13:00 Svi svjetski mediji prenijeli informaciju

Guardianov izvor iz MUP-a Srbije potvrdio informaciju o hapšenju Mladića.

12:46 Uhapšen u Zrenjaninu

Mladić je uhapšen u selu Lazarevo kod Zrenjanina, javljaju srbijanski mediji.

12:36 Pritvoren na Banjici

Mladić se trenutno nalazi u prostorijama BIA na Banjici.

12:30 Pretres kuće Mladićevog rođaka u toku

Srbijanski mediji javljaju kako je u toku pretres kuće rođaka Ratka Mladića u Zrenjaninu, što može imati veze s lokacijom na kojoj je i on uhapšen, ali i nemora.

12:07 Zakazana press-konferencija

Nezvanična informacija iz MUP-a Srbije kaže da je Komadiću nakon hapšenja uzet uzorak DNK-a i predat na analizu nakon koje će se sa sigurnošću moći reći da li je zaista riječ o zločincu Mladiću.

U narednim minutama očekuje se potvrda od Specijalnog Tužiteljstva za ratne zločine Republike Srbije, a znakovito je da je predsjednik Srbije Boris Tadić za 13 sati zakazao press-konferenciju.

12:02 Uhapšen Ratko Mladić?

Prema još uvijek nepotvrđenim informacijama iz MUP-a Srbije u ranim jutarnjim satima, na još uvijek nepoznatoj lokaciji, uhapšen je Milorad Komadić, odnosno najtraženiji ratni zločinac Ratko Mladić.

Iako u ovom trenutku nema previše detalja o cijeloj akciji, kao i lokaciji gdje se krio Mladić, špekulira se da je "hapšenje navodno uslijedilo nakon dojave da Komadić raspolaže nekim identifikacijskim oznakama Ratka Mladića".

[Preuzeto sa http://www.dnevniavaz.ba](http://www.dnevniavaz.ba)